



其三

高閣抵大明雲山漫漫迎岡迴石載路霜落對還
榮宮闕荒村沒鼓鐘野寺更年年登眺客閱盡古
今情

稼場

稼場昔闕下附郭今污菜菽麥半棲畝寒烟微見
灰鷄豚無一個稭秸有幾堆如此淒涼况打從朝
市來

初度二首

平山堂詩集卷之三
三
眇狀江海內千里共一身
贈燈過令節蹉跎惜此
辰岱雲空注目旅食復
江津荏苒百年內誰悲
失路人

其二

人生重初度吾遇倍逡
巡流落江淮客蕭騷囊
橐貧榮期徒自樂申甫
不逢春何日返桑梓幽
棲遂我真

慶菴鴉集

樓眺湘文漪枯木寒鴉
彌臨水疑朝日就僧似
乞

師時聞梵樂瞑不逐野
雲馳羣動尚耽寂人生
何外資

李叔則曰鴉集于庵有耽寂之意人之超人者可以悟矣

野望

一望平野濶古對蒼郊
垌水遶荒臺歸烟蒙海
甸青歷今哆重鎮從古
說棲靈百萬再生聚十
年語足經

李叔則曰蒼郊垌妙領聯精雅未結更見大力

雪後同見如集董氏小園即舊寓也

琅玕掛市廛竹對映瓊堆隘巷昔容馬探梅今上
臺清餘王相址劫到中郎哀死桐地僻堪共語無獸
二仲來

李叔則曰有獨到之語

雪

陽春真並調世上屬和稀六出天憐巧千門屋盡
暉清虛無可着刻畫亦逾微獨有袁安卧忘言似
知機

李叔則曰詠雪唐以前一格宋以來一格惟
先生能自出手眼

雪雨

雪後冬霖注先春萬物寬預開來歲瑞不覺今年

乾時年甚旱白玉喜呼酒綠雲頻倚欄非閑臨境異只

恐貧民時飢民煮粥

李叔則曰積雪益甚民不聊生知公之言仁人
利溥矣

又夜雨

春回鴉得氣應候雨淙淙一枕寒更夢萬簷小杵
鐘老來幸飽睡犁足庶宜農又是殘年到萍飄將
適從

平山堂詩集卷之三
李叔則曰自爾不近

姪琮至

時有分爨之舉

歲已告垂暮汝從千里來策蹇遵過命侍側倍興
哀家運遭中替天生實篤材弟昆不守訓我亦難
云才

其二

汝父先兒逝兩孤一氣通箕裘堪共績布粟不相
逢陸氏一門睦張翁七世同古今何以異吾欲叩
蒼穹

李叔則曰猶子二詩可以厚世

瑋兒病

聞道瑋兒病吾心倍覺忡家隨國運變人際時艱
窮江海吾其老薄深爾守躬隆寒一已過會與陽
和逢

李叔則曰父母惟其疾之憂凡為人子者不可不知

迎春日杜門

癸巳

積雪凝寒日春來不出庭呵寒入后土開宴列金
屏儉歲人仍開閉關道足經漫誇春事好大率饒

花亭

李叔則曰呵寒句大奇五六言外之意使聞者愧

立春叔則邀飲

春色原從李同人薦菜盤雪花如霰密觴政尚袁
寬剪燭讀嘉祐校書說楚冠東皇溥物令莫放酒
杯乾

李叔則曰此夜現蕪允明集並及楚人事
生言必有物不有註者後世為能讀乎 先

雪冰

紛馳雨雪攫冷氣呵成冰幕地玄霜結溥天皓羽
翻拂冠手縮袖趨步足為崩記得兒童日塑獅寒
不憎

李叔則曰攫字妙
都見異致

其二

雪夜白如晝平明雪作山千門兢掃帚一氣封塵
寰藏壑舟全遁墮枝鳥遇艱太陽幸借照猶可遂
高攀

其三

呼奴休蟻雪此是白玉盤天上十年秘十年無農

家萬斛看烹茶宜供客銷暑可生寒除却飢民外
誰人不喜懽

李叔則曰字字針線

其四

天寧煮粥日大雪無休辰一瑞幾弥月千艘阻過
津寺多僵餒鬼關少路行人極備衍箕子誰為大
造仁

李叔則曰雪甚民災此詩之所以作也一瑞句
妙不容言

書到寫懷 太虛

離揚憶夏午適越報深秋湖寺波心隱天台峰外
幽達人慕霞舉往哲曾勝遊拾得天邊翠可能銷
客愁

其二

聞道勝詩句書來頻起愁王侯不下士將相空盈
眸有子真堪樂無錢不足憂老來書萬卷南面又
何求

李叔則曰白香山之達不過如是

閒咏

白雪青春容紅爐玉笋殷不勝酒力困但覺世途
艱歲底忙何事塵心嬾是閒年年身在楚却望穆
陵關

李叔則曰有道之言

其二

雪裏渾無事吟詩意自憫繁吹競作者簡閱看瓊
山大雅憑誰振迴風未可扳聊將羈苦况都付與
癡頑

李叔則曰正以教近人非憫其妄作而警之

守歲

雨雪今冬盛斗星此夜繁堅冰畏澁縷守歲飽鷄
豚祈穀南郊日羈遊北地魂普天子婦樂漏盡始
開門

李叔則曰能見其大

拜節

拜節競天地烟花獨出羣紅雲捧曉日白雪驚竒
文人比墨淄盛水還江郭分紛紛衣錦者他處不
曾聞

李叔則曰紀事以質此詩紀揚州者移易不得

春煖

盡道江南煖高郵凍殺人寒風來朔氣大雪失通津
今古陰陽轉帝王政令神苦寒整兩月今日始逢春

李叔則曰前半凄其人猶可及五六匪夷所思

舟阻

已動剡溪興却還安道舟山晴糜鹿出江煖魚龍遊
萬物遂超曠生人困役求平山緣分淺何日一

悠悠

其二 相僧

忽有老僧至幡然物外幽不能尋一壑猶幸對比
丘入定出塵網乍臨照九州知君多雅意吾道在

滄洲

李叔則曰公宜出山故以此僧感之

人日泛春 五首

人日泛平浦春晴競帝灣符懸人罷市梅凍柳全
艱殘雪餘陰岸飛虹跨小山溶溶邗水裏野望一

舒顏

其二

古木蔽深寺寒枝春未嫺空山帶薜荔幽谷藏王
蘭號國蛾眉淡西施頰頰憫好將蒙氣息細認大
刀環

其三

玉山天外立法海一憑欄峯削白門秀氣成吳練
看江濤失近勢峨眉增高寒如此陽春色巴歌真
是難

其四

楚俗稱多事風流湖上遊美人蕩越棹估客發吳
謳酒逼溪光綠詩添局上籌歡呼來暝色不覺到
城頭

其五

柴舟趨短岸烟火起寒郊野憇漁家傲日歸烏鵲
巢城門非兩馬携手即同胞鄭重千秋業勿貽楊
子嘲

燈市

在左衛街

燈市衛門盛春花掌上開風雲起一紙变换極羣
材爭耀廣陵月神遊化日臺將軍擁虎座江上亦
悠哉時有通泰之警

天台讀太虛遊記

不遊天台路愛作天台詩霞起空神望記開喚夢
思避難難遂願甲申五月予有入天台之志未遂憶友友能詞自

別仙媛後桃花亦索居

李叔則曰逼似老杜

雁宕讀太虛遊記有扶風漢書龍門史記俱奉五七言古拾遺五七言律之評故及

之

越地饒名勝山傳雁宕奇與台稱伯仲一柱擅孤
離史漢從誰定李杜各等夷龍湫與玉女縹渺海
天麗

李叔則曰即用太虛語作詩料正使太虛之文一點即靈

又天台

桃源幾隔世恍惚生前遊臨水憶呼姓共妹說好
求為誰墮苦海猶冀借仙舟煩子殷勤問莫非阮
肇儔

李叔則曰言外可思

劉阮遇仙子入洞

仙郎遇仙子流水到人間好合誰為伐白雲自往
還洞深不蔽日花落上朱顏綢繆奏琴瑟都忘採
藥艱

仙子送劉阮出洞

郎意難終保喚歸戀舊羣不知人世隔那得親踈
閨妾豈隨流水郎同出岫雲殷勤握手別谿谷記
紛紜

懷劉阮

郎別匆匆去洞天盡日閑霓裳掩在篋寶月不窺
鬟鷄犬無心吠鶴鴛暝目潛看將門外水化做望
夫山

劉阮復到天台

苦憶人間世天台迷却真重來空想像乍別已泥
塵日月終聯璧烟霞不隔隣寧甘狼虎暴坐待引
通津

海警

海上揚帆至江邊烽火來飛輪雄水戰鉄騎壯塵埃不務干戈息徒貽黎庶哀一隅何苦爾天地亦恢恢

李叔則曰海舟恃水戰而守者恃馬相為格闘詭憂在民詩史也末結深厚仁人之言

上元十三

書院回車夕飲江城頭夜雨潛鳴金排拒馬擊柝

抱岩関殘雪堆霜鬢餘氛老客顔七年楊子路此會最為艱

李叔則曰全篇情景融洽不異杜陵

雷 正月十七日未時驚蟄雷即發聲

二月雷鳴震從東南來新正龍出羣泰交不在野覆發

豈徒聞大麓風雲會金滕日月分即看按節奏早知應星文

李叔則曰羣龍用出字大奇泰交而思及舜周之事以志君相一時際會與尋常用事者不同

其二

久困念多滯風雷挾上天正中戒亢悔開閣豈沉淵四海仰霖雨九霄如軋聲東皇發號令萬物總

芊芊

李叔則曰久困多滯是詠龍未發之語

城守

傳道城頭戍萬燈接日明波連吳楚圻舶與樹雲
平旌列時聞角春寒不見鶯橫戈何日息無計到
蒼生

其二

千舶海雲散萬騎向若迎水軍難近岸陸甲亦徒
犍勦撫疆臣事吭虛敵國情紛紛妄計料勿事鶴

風驚

思歸

除夕苦空手元宵亦復狀江湖難取樂貧富不同
肩吾道豈羶悅人情誰淡妍好將瑣尾意亟付遶
朝鞭

泛舟餞鳳簷

同叔則四章

春筵為贈柳預作渭城遊節鉞昔燕塞風雲今楚
溝霜駘原鐵面城軌自寒流天地餘威在泛湖尚
重裘

其二

共客廣陵郡數同月夜甌七年如旦暮千里自朋
儔白髮勛名壯青雲事業優如今多伏莽慎矣運
新猷

其三

君才丕十倍得意駕難留梁甫起龍卧隋堤看錦
舟甲兵藏一范理亂繫他州借寇倘隨願鄉邦自
不愁

其四

梅紅脂滿樹柳甲亦初遭春色動人興新亭怡客
眸笑殘思濯錦茶茂被高丘花訊乘時發候君上
苑頭

山茶花 粉紅

孤樹小園發扁舟返顧明如何萬木瘁却訝一花
榮地僻人疑錦天晴霞斂城不湏秋水至已傍芙
蓉行

李叔則曰芙蓉未萌借詠乃佳此未可與俗人
言也 趨深理顯三復有餘旨焉

馳馬

平山堂詩集卷之三
公子習騎馬停舟一待之山容淡若沐矢發疾如
馳大宛饒龍種蒲萄進酒卮兩騾忙跨舞絕塞欲
追隨

春分

春事愁中過問陰已半分白駒無滯晷青帝有敷
雲花柳從前茂閉開此後薰飄零吾向老天地正
斯文

其二

天寒萬物闕璇衡是芳辰即看草微綠寧窺樹遍
新虬躄猶海口狼顧在城闔殺氣江南盛何時大
地春

聞青州北大雪

人道青州雪高與茅屋齊白雲深若箇大路苦披
迷牛馬填山壑魚龍眩海鄴春風正二月猶自畏
湯泥

其二

塞外丈餘雪中原不可梯壓枝曾卜麥盈尺立程
圭無已削寒玉宵如隔與閨瀰漫天地失定有史

氏題

仲春初七遊張公子園雜咏 同叔則

乍臨衣俱綠飄拂黃金遊
墻矮日涵影樓高月上
鈎桓公興感慨季緒想風流
公子不為主春風縷
縷愁

其二

可惜白家婢春光鎖院遙
朱門多寂寞嬋媛欲飄
搖石靜樹還舞風吹韻似簫
季倫金谷裏每飯不
忘招

其三

東閣揚州句石門清興適
澹光半吐雪香氣欲浮
裘冷艷明孤岫老枝橫一洲
朱欄斜倒顏大庾境
偏幽

其四

春色今朝好登樓一望齊
雲烟捧煖日草樹被長
堤雉堞人乘障李桃路漸蹊
東隣霞氣滿返照在
城西

其五

五言律

洞壑藏三島山茶橫一枝先春呈野態得意在臨
池取境尚閑曠快心應自知何當爛熳後逐隊憧
憧馳

其六

玄鳥嬉梧岡棟枝定在陽棋猷松欲落賦就羽停
翔萬物欣開霽三春半莽蒼烏人看俱暢化道幾
相忘

小鐵鐘

相傳此鐘不懸不擊之則革代流寇張
獻忠不信建醜懸而擊之至一目而
北京大清信到獻忠即撤供狼狽走矣異
哉

武昌鐵佛寺寺裏小鉄鐘赤眉不信異金殿已傳
封聲應山崩落走同鼠窟洵因思玉碗識大冶屬
應龍

不見

居狀一永巷頗可似長門芳草王孫碧蕪城公子
奔驚傳氛在島不見客何原減半春光去迢迢欲
斷魂

雨寒

春和二月雨陡起萬家寒夜半鮫人泣平明帶霧

看花涵朱到蒂風細絲飄欄強吟不成句時時苦
衣單

感舊

晴日耽花鳥言尋舊舍盟主人新插柳穉子弄風
箏景物俱堪賞風光別有榮吾生真傳舍把酒問
流鶯

其二

釋氏空萬象亦戀住桑行自北徂南日歷江涉海
庚重來如夢寐再過復平生縱跡終歸幻故鄉日

日縈

其三

香雪迥人世江光滿一園蓀枝我昔剪馬足君今
繁養馬之餘物變真堪淚情鍾恐閉門揚州多塵土何
處纖毫存

其四

軟羅着半臂日夕怯春寒棋負觥頻進輿前人尚
跚君為我楚舞我試奏稽彈不負梅花弄都忘作
客難

其五

數峰齊映雪斜暎上貂冠金明延晚麗劍客說探
丸各挹籌時畫整從倚玉歡和羹若可作今日勿
輕看

一百五

節屆一百五普天顧考祖白楊嘯故風青塚蓋新
土泉下起重臺人間悲往古此時方見心骨肉復
還聚

又

揚州拜墓田婦女各紛狀舊鬼復新鬼半嬉還半
憐酒舖向隔世血淚洒重玄風雨杏花候墻間多
暮煙

寒食送客

方舟渡別浦離席在幽阿寒食送遊子春風上碧
蘿帆光隨日轉柳色傍城多處處撩人思即看柰
若何

又

春城寒食到花柳向時新正爾風雲日旋看江海

塵旌旗百雉颺絃管萬家湮樂事能餘幾花朝愁
殺人

又 美孫

獨有小兒女貪歡不知頻侵晨覓棗栗未午招親
隣得此掌珠玩殊忘客路羨優悠江上芷且自慰
酸辛

清明

清明花月候江上起寒潮節使楚吳路院公淮海
韶風吹画蠲彩柳暗鉄騎驕忙裏韶光過况聞塞

雁紗

又

踏青在此日鞦韆復何時戎王塞北戲齊霸魯東
思舊俗懷遊子颺氛震客居春風惆悵日回首綠
楊馳

雨潮

未雨潮先到潮來雨不空陰晴還共貫天地自相
通世在洪濛上人行泛濫中誰推一氣轂禹貢九
州同

風吹

風吹花欲盡可惜在枝頭隔歲方經眼霎時返故
丘鬢眉逢早妬紈扇怨長秋運命苟如此風乎那
得尤

又寶珠

歲歲愛此花此花開轉賒乍臨疑浴日細看似鋪
紗抱病愁難展逢春意自嘉忘憂耽異物不計在
天涯

杏花

江南梅似雪不數杏花春小苑芳紅雨當軒艷白
銀塔明學士譜坊碎相公茵勿謂處非地洒然迥
出塵

瀑簫

岸翁惜僕力汲水致高溪井渫當堦落泉鳴向釜
吟溜簫老杜法抱甕丈人心濤落廣陵月涓涓玉
女岑

長翁

長翁拜和尚送客一停車辟穀泛松子延季倍釋

五山堂詩集卷之三
迦八陵齊轉瞬千祀等空花雖乏洗腸異伐毛亦可呀
眉生落黑白十年一變

虬栢 埤陽庄

何來虬栢樹不肯長婆娑短質盤庭院低陰看石
蘿風雲開獨賞日月掩輕過可惜千年物孤村尋
斧柯

李叔則曰取意高遠具有憐才之感

邗河春遊

小艇河房裏東風法海邊桃花開絳帳萍葉泛青

錢觸物初償意臨流幾欲仙春光吾已老喜坐上
天船

李叔則曰工琢

其二

俱知春難遇乘流一着鞭風寒羅綺少野曠鳥花
鮮海警未安枕河清又奏絃可憐多事際不廢日
娟娟

李叔則曰酷似工部

其三

花時集上苑遊客共比肩舞席臨宮館朱橋聽杜
鵲池蛙鳴兩部篷竈突芊烟莫道春風裏青山不
費錢

春釀 薏仁酒

春釀培三月花開酒亦黃波濤翻魯壁日月引吳
漿白雪真珠顆青雲綠醜香非閑避瘴厲萬里標
銅荒

李叔則曰因薏苡懷馬援用事高老非小儒可辦

青驄 余家青驄西安邊種也驍捷善走百金購之辛巳年飢寇十萬來薄沂城賴此

馬衝突城得以全馬亦旋斃吁嗟若此馬者可謂不負主矣

驄子非凡種來從大宛雄千金思報主一戰効危
功百里誰崇禡萬民憶猛風至今埋駿骨汗血苑
花紅 千一百萬四句稍宜錯綜

李叔則曰昔人以駿骨求千里馬今以馬骨寄慨又淺一層

白驄 驄四蹄有雞距亦龍種也已邠夏乾河水泛中流遭漩奮躍而上四蹄平鋪聳身已過淺沙予得不陷真異事也

白驄自異物鷄距奮寫膺一壑風雲起亂流羽翼
升舒如飛過鳥輕若渡瀘藤圍隸看惆悵跳溪不

足矜

李叔則曰騾鷄距大奇渡水如飛大奇以此作所以紀異也

谷鳥龍池西南曲林木蒼鬱百鳥翔集五色成文絕無僅有感而記之

杜曲有幽谷雲林繪異葩紛姿自海畔游泳到山家衰德嗟何及賁園亦孔嘉龍池晴可浴爛熳是

西斜

李叔則曰字有根據此古人善于用經處

又

菲薄戀丘壑戔戔不足因臭聲各有感羽族自相

親晴日煖烟起媚人雜采陳風光殊不惡何必在要津

李叔則曰白太傅閒適之篇

獨坐

獨坐一庭裏無人日夕過三分春色少萬卷手摩多白髮鶯花老紅塵冷煖魔窮年苦矻矻贏得翟張羅

李叔則曰公老而好學簡於世味此篇乃其寔錄

其二

平山堂詩集卷之三
衰歲嘗多恙，輕寒畏雨侵。門非留客掩，病以落花
溪春酒愁難飲。羈詩楚易吟，感時併積慮。沉滯在
中心。

李叔則曰唐音大雅

其三

得句誰為賞，懷人在武林。南州塵故榻，艷雪鎖空
岑。夢屋看明月，臨風憶好襟。春光垂欲盡，猶與合
朋簪。

李叔則曰此思宗伯太虛公之作也

江都令劉玉璜陞慶陽府同知

河險壯天上，臨邊郡劇哉。名王今守裔，萬里豫掄
才。早歲神明茂，秦川錦繡開。南陽岑眙重，日見賀
蘭嵬。

李叔則曰用字精安

又

君才無不可，期月慶陽來。郎署省周歷，鳥鳧飛漢
垓。蕭肱謝海孽，逃矣到河埃。麟閣多邊吏，好弘濟
世材。

李叔則曰六轡如舞

郭遊

一葉楊關外晴和附郭遊招提欣種菊巾履一登樓
麥秀丹爐顆瓜綿翠幔道牛歌起四野新稼又驚秋

其二

江雲淡不流峰遠杳更幽一色清空裏微茫隱現
浮巒從鍾麓折氣接武林留鬱鬱葱葱致憑欄一望收

刈麥

明發廣儲路帆邊過土城一株榴吐火千曠樹蔽
鶯赤日黃埃起霜鎌白眼明周家重稼穡無逸小
民情

李叔則曰正大爾雅

插秧

肩輿到召伯看穫非漫遊為客十年窘憂生百口
謀水耕火耨苦竹席秧針稠欣此成渠好無塘難
望秋

耳山堂言集卷之三
李叔則曰句句貼實

雷塘

煬墓雷塘裏憑軒掩袂中去城不數里遺堞漫雄
風利器當存國一隅類守宮六龍往不返遺恨在
淮東

李叔則曰羅昭諫之絕不得擅美于前矣

迷路

小徑眩岐路與人見識迷火龍汗浹背芳草天與
齊驀過平山麓早逢直北堤蕭蕭車馬道吾欲學

溪鷺

李叔則曰結句闕遠

南郊刈麥

晨露抵西里曉風新麥馨黃金鋪大地旭日照南
垌刈穫農家作滯遺子婦寧年來多歲儉此可慰
惟星

李叔則曰杜偉

又

康年不數有今日見如墉近佃無驕莠濱江饒素

封城居類坐井野曠欣遊龍不因省我稼何以得
明農

李叔則曰雅

朱明港

大風捲枯柳踈踈堤中行人家依一水濁浪失孤
城魚服白龍遁鬚奴赤使迎風雲頃刻變江海自
吾情

李叔則曰高華新琢

又

泛舟遊大港港是大江通極目扶桑接揚波閩粵
汎餘灰齧舶係燒鹽船要害敵臺逢若使越裳在
燕遊真画工

李叔則曰此詩史也寄大政事于小景之中惟
工部為狀

又

甘露與北固金山併焦山幻從江海現峰墮几筵
間世外蓬壺遠鏡中鷗鷺閒肯將蘿薜意換得髻
毛斑

李叔則曰此見心境之閒

又

風有焦山約頻年忽風塵豈謂絕人境真成異域
隣隔江空撲翠避地敢誰親從此虎狼窟無人復
問津

李叔則曰遊山且狀時事可知

漫咏

不受浮名絆冷狀炎熱清微蘭生道氣晴日照
楹烹雪廣陵渚愈風柳巷鶯無求自遂曠何處著
將迎

